

Al é nasciù Suns Europe!

L festival dla ciantia ti lingac de mendranza cresc, se daurian a dut l Mediteran d'Europa y a les ertes performatives. Ai 28 de november sarà l contest a Cagliari, ai 11 de dezember la finala europeana a Udin



Martina Iori da Fascia, davagnadoura de Suns 2014 y do dl Liet International. (foto Andrea Tomasin)

Mendranzes - Al é endò ora de rejoné de Suns, l gran Festival dla ciantia ti lingac de mendranza nasciù tl Friul dl 2009 y ruvé a sia 7^a edizion.

Chest an se à i fondadours y organisadours furlans metù dant na maiour endesfida: Suns é chersciù, se daurian geograficamenter a dut l Mediteran d'Europa y smaioran sia atenzion ence a les ertes performatives y

cinematografiches.

L event de maiour emportanza resta l contest de mujiga, che do la selezion dla Talia y dles Alpes che sarà chest an tla Sardegna ai 28 de november, jiràl inant con la pruma edizion dla finala de Suns Europe a Udin ai 11 de dezember, tl Teater "Giovanni da Udine". A chesta vegnirà envié a tò pert les mendranzes de duta l'Europa. Te chi dis ti darà la zité furlana



La premiazion a Udin de Martina Iori con i musizis Enzo Tommasini y Marco Stagni. A man drete l president dl ARLeF Lorenzo Fabbro. (foto Andrea Tomasin)

alberch ence a n festival cinematografich y a evenc poetics y leterars.

La dezijion de fé cresce la scomenciadiva garateda dl Festival european dles ertes dles mendranzes é vegnuda aldò de valch dificolte organisativa dl Liet. Per chest él nasciù tl Friul, da la colaborazion anter la Region FVG con l'ARLeF (Agenzie Regionâl

pe lenghe furlane), Radio Onde Furlane y l Comitad de endrez de Suns che à sia anima te Leo Virgili, l'idea de mete a jì autonomamenter na finala europeana dl Festival, reserveda en particular a duta la pert alpina y mediterana dl'Europa.

I organisadours de Suns Europe se à confronté con Onno Falkena, fondadour y anima dles edizions passedes dl Liet International, y

ei à damané la colaborazion dles autres mendranzes dla Talia, en particular dles Regions Sardegna y Trentin Sudtirolo, per assegué na maiour partezipazion y smaioré l raport anter mendranzes. Ei speta ence i ladins a Suns 2015!

Tratant é duc i musizis, grups y ciantarins enviés a se scrive ite per tò pert a la selezion de Suns Sardigna, aldò dla bandida de concurs publisheda chilò.

Bandida de Concurs

SUNS é l Festival dla ciantia ti lingac de mendranza dles Alpes y dl Mediteran d'Europa. Nasciù tl Friul y ruvé a sia 7^a edizion, chest ann se dejujaràl al Teatro Massimo de Casteddu a Cagliari en sabeda ai 28 de november 2015.

SUNS 2015 se ouj a artisè che viv te un de chisc stac: Talia, Franzia, Svizra, Austria, Slovenia, Croazia y Malta.

Chisc i lingac ametus a tò pert:

TALIA: Albaneis, Catalan, Croat, Franzeis, Franch-Provenzal, Furlan, Grico, Ladin,

Ozitan, Romanì, Sloven, Sard, Todesch.

FRANZIA: (Pert Alpina Mediterana) Catalan, Cors, Franch-Provenzal, Ozitan, Romanì.

SVIZRA: Rumanc.

AUSTRIA: Cech, Croat, Romanì, Sloven, Slovach, Ungareis.

SLOVENIA: Romanì, Talian, Todesch, Ungareis.

CROAZIA: Albaneis, Bosniach, Bulgar, Cech, Macedone, Montenegrin, Romanì, Rumen, Ruteno, Serb, Slovach, Sloven, Talian, Turch, Todesch, Ucraino, Ungareis, Valach y Yddish.

MALTA: Malteis

Co tò pert

Per tò pert méssen mané ite sie material dant dl prum de otober dl 2015.

An pò desciarié la bandida integrala y la scheda de partezipazion dal sit www.sunscontest.com

Adum con la scheda de prejentazion mess vigni partezipant mete dant na ciantia, en format MP3, l test y sia traduzion per ingleis y/o talian y na curta biografia dl grup

An vegnirà ametù demé composizions originales che ne fej nia pert te deguna maniera di

respetifs repertors tradizional dles regions de origin.

L material damané mess vegni mané demé via mail a: sunsardigna@gmail.com

Sce ne pò les speises de viade per i partezipanc a SunS 2015 nia vegni sostegnudes da istituzions de referiment de vigni mendranza, podarà l'organizacion daidé fora a les paie en pert, aldò de modalités da fé fora.

Cie che an venc

Anter dutes les cianties ruvedes saràn cernus fora da 6 a 8 finalisé che

vegnirà enviés a soné sie toch al Teatro Massimo de Casteddu/ Cagliari (Sardegna) en sabeda ai 28 de november dl 2015. I doi grups davagnadours de SUNS 2015 podarà tò pert de dert a la fasa finala de SUNS EUROPE, Festival European dles Erts Performatives ti Lingac de Mendranza, con finala musicala che vegnirà metuda a jì ai 11 de dezerember 2015 al Teatro Nuovo "G. da Udine" a Udin. Les speises de viac y quartier vegnirà sourantoutes da l'organizacion.

Contac y info: sunsardigna@gmail.com